

Specimen Academicum
Loca quædam difficiliora Epistolæ Pauli ad Galatas

Exhibens,

Cujus

Partem Priorem,

Conf. Facult. Philos. Reg. Acad. Aboënsis,

publico examini modeste offerunt

JOHANNES BONSDORFF,
Pbilos. Mag.

Et

GUSTAVUS JOHANNES AGANDER,
Wiburgenses,

In Audit. Maj. die XXVII Novembr. A. MDCCXCIII.

Horis ante meridiem consvetis.

ABOÆ, Typis FRENCKELLIANIS.



Ut verum est & experientia comprobatum, Librorum Sacrorum interpreti, difficilem & arduam valde patere provinciam, ita quoque indefessis multorum laboribus compertum est, quot Sacra Hermeneutica secum tulerit egregios fructus, quot adversariorum infregerit in Divam Religionem conatus, quotque feliciter submoverit veritati undique, per negligentiam maxime, obducta velamina; etenim "omnis certa veritatis Divinæ & Scientia, & defensio, e sacrarum literarum intelligentia & accurata interpretatione ducitur: & cum interpretandarum literarum sacrarum studio, & lapsa & restituta est Religionis Christianæ puritas" (α). Hinc, ab eo in primis tempore, quo ingenium humanum, a gravi totius fere orbis casu, sese attollere vidimus, non defuere viri egregie cordati & omni eruditionis fama maxime inclyti, qui, sacris literis interpretandis occupati, meliorem indies &

A

orna-

(α) ERNESTI Instit, Interpr, N. T., p. 3.

ornatiorem hanc, quam Sacra Philologia jam conspi-
ciendam præbet, formam eidem induxerunt: ita ut
prope ad culmen suum erecta jam videatur nobilis-
sima hæc scientia. Ea tamen huic, cum ceteris scien-
tiis, communis esse videtur fors ac conditio, ut quo
magis fuerit exculta, eo clarius defectus ejus animad-
vertantur; in quibus, omni qua par est cura, supple-
dis, unius hominis non suppetit diligentia, nec sum-
mum veritatis culmen unius ævi adsequitur sagaci-
tas. Plurima igitur interpretem offendant necesse est
Ioca, quæ, propter difficultatem, quam Scriptorum
Sacrorum ψόζ, doctrinæ saluberrimæ novitas & ex-
cellentia, Historiæ & lingvæ ipsius ignorantia crea-
verat, remoram haud exiguum faceſſunt. Ubi vero
ambiguæ & obſcuræ ejusmodi ſe nobis obtulerint
diſtiones, non tamen mox de vero earundem ſenu
desperandum, ſed, juſto instituto examine, ad proba-
bilitatem saltim, qua fieri potest diligentia, adſpiran-
dum eſſe, omnes judicabunt æqui harum rerum ar-
bitri. Quemadmodum vero in multis, non ad certi-
tudinem quandam perfectam, ſed probabilem tantum-
modo ejus ſpeciem pertingere datur, ita haud exigua
eſt pars interpretationis, quæ diſſicilis adeo eſt &
tam crassis involuta tenebris, ut vix unquam poſſit
inde erui & vindicari. Qua in hermeneutica caligine,
ſi ignorantiam ſuam ingenue fatendi judiciumque o-
mne ſuſpendendi locus non conceditur, eo tamen eſt
enitendum, quo potior probabilitatis ſpecies facem
videa-

videatur præferre. Necessaria hacce adhibita cautio-
ne, Epistolam ad Galatas percurrentibus nobis, obve-
nere loca propter difficultatem suam maxime notabili-
lia, quæ, dissertatione hac, vel leviter illustrare in
animum induximus: blanda illa spe erecti, fore ut, si
non omnia, propter virium tenuitatem, rite nobis perse-
qui lieuerit, juveniles tamen conatus leniori perstringant
Lectores censura.

CAP. I: v. 4.

- - - ὅπως ἐξέλιται ἡμᾶς ἐκ τοῦ ἐνεστῶτος διώνος
πονηροῦ.

In ipso quasi limine Epistolæ, mori suo & animi
sinceritati obtemperans Apostolus, Galatæ ecclesiis,
favorem Dei Patris & Domini Jesu Christi, qui semet
nostrorum peccatorum loco tradidit, appreccatur; mox
que consilium mortis Christi his verbis adumbrat:
ὅπως ἐξέλιται ἡμᾶς κ. τ. λ. in quibus vero interpretan-
dis, alii aliam ingressi sunt viam, *aliis* quippe *αιωνα*
ενεστῶτα, ex collato Hebræorum *πὶ τὸν οὐρανόν*, tempora
Veteris Testamenti &, cui finem Christus inferret,
Oeconomiam Mosaicam, *aliis*, calamitates adventum
Christi ultimum prægressuras &, ex opinione tunc
temporis prævalente, mox affuturas, *aliis* denique,
mundum vita & moribus corruptum, explicantibus.
Longum esset & a scopo nostro alienum, argumenta,
quibus sententiam quisque suam probare fuit adnifus,

repetere; sufficiat, quæ huic loco maxime idonea videatur, contra vero, quæ ceteris adhæreant difficultates, breviter indicasse. Concedatur quidem oportet SCHOETTGENIO & qui hujus favent partibus, formulas: *αιων ὄντος*, ὁ *νυν*, *ενεστως*, quibus respondet Hebræorum *τόν θεόν*, ad usum Scriptorum Judaicorum, de Oeconomia Mosaica posse intelligi; attamen, universo contextu, qui sermonem non ad Judæos restringi aperte docet, reclamante, hanc τας *αιωνος ενεστως* notionem heic retinere non licet. Neque accuratius hic locus expeditur hypothesi (α), qua improbitatem & calamitates, circa instaurationem Messiani regni mox affuturas, intelligendas esse docetur; etenim ad usum loquendi Paulinum, vox *ενεστως* constanter de præsenti adhibetur tempore; atque consilium Apostoli omnino eo spectat, ut Galatas, vi redemtionis, ad vitam honeste transfigendam, & a sui ævi sceleribus avocandam, cohortetur. Magis igitur idoneam &, ut nobis quidem videtur, omni probabilitate jamjam munitam tuentur sententiam, qui per τον *ενεστωτα αιωνα*, mundum hunc (β) moribus depravatum, in primis vero illud tempus, quo hæc scripserat

(α) Cui Celeb. KOPPE in I. Ed. N. T. adstipulatur; nam in altera Editione, quæ nuper prodiit, a priore sua sententia discedit.

(β) Mundi notionem vocabulo: *αιων* saepe inesse pluribus exemplis probavit Cel. KOPPE in Ed. II. Excurs. I.

* * * *

rat Apostolus, intelligi volunt; quem sensum & verba ipsa & contextus postulare videntur. Recedunt ab hac tamen interpretatione nonnihil, qui *vel* omnem naturæ humanæ depravationem heic tangi putant (quamquam certum sit, Christi beneficia ad universum hominum statum omnino extendi) (y), *vel*, præeunte Ill. MICHAELIS (d), sensu generalissimo universam hujus vitæ miseriam, non modo vitiis moralibus verum variis quoque dolorum generibus auctam & cum altera vita commutandam, depingi judicant. Quo paecto mors Christi consideranda hoc loco esset, quantum non solummodo ad vitæ sanctimoniam & mentis tranquillitatem duceret, verum etjam immortalitatem nobis panderet. Utrumque sane sublime erat expiationis hujus sanctissimæ confilium; posterius tamen verbis Paulinis indigitari, vix dabitur, nisi vim iisdem inferre volueris. Quo autem sensu *αὐτῷ* hoc loco dicatur πανηρος, Patres, quibus album adjicere calculum non dubitamus, egregie docuerunt: "Christus dedit se in mortem pro nobis peccatoribus, ut liberaret nos εν των πανηρων πράξεων ναι τις διεργαπευεις ζωης (THEOPHYLACTUS) sive quod eodem fere recidit, ex turba fcelestissimorum hominum nunc viventium; quæ explicatio constanti quoqæ Apostolorum doctrinæ in aliis Epistolarum locis convenit, ubi

A 3

Chri-

(y) Volfius in Curis Philot.

(d) In notis suis ad hunc locum.

Christum morte sua homines ex mala vita & moribus sui saeculi vitiosis liberasse affirmant (cfr. 1 Petr. I: 18.). Palmarium tamen pro eadem hac explicatione argumentum ex ipso loci contextu est desumendum. Verba enim proxime antecedentia: δοντος ἐαυτον υπερ - - - ήμων, apertissime indicant, ea quae mox sequuntur: - - - αιωνος πονηρος, non aliter esse intelligenda, quam de confortio & commercio improborum vitae que genere flagitiosissimo, quo demersus tunc jacebat orbis Gentilis atque Judaeus universus. Optime igitur HAMMONDUS in Paraphrasi locum hunc ita expressit: "Cujus mortis (Christi) pro nobis finis est, emendatio morum nostrorum, ut & liberatio nostri a pravis consuetudinibus hominum hujus saeculi, seu sint illi idolatriæ Ethnici, seu simulatores pietatis Judæi."

v. 7.

- - - ο δουκ εσιν αλλο, ει μη τινες εισιν οι ταρασσοντες
x. τ. λ.

Primarium Apostoli in hac perscribenda Epistola scopum fuisse, ut ab erroribus, qui velociter irrepererant, Galatas avocaret, nemini dubium esse potest. Qvare sibi temperare nequit, quin mox in affectum erumpat, inopinatum quippe Galatarum a vera Evangelii doctrina discessum mirabundus, & e quo eum fonte derivaret subdubitans. Causam vero tantæ eorum inconstantiæ, in Judaizantium contra ipsius doctri-

etinam studio, querendam esse, clare, ut nobis videatur his significat verbis: ὁ οὐτε εἰσιν αλλοι εἰ μη καὶ λα. Plurimi interpretum, quos nobis inspicere licuit, voculam: ὁ ad εὐαγγελίον referentes, ita explicare videntur, quasi Paulus voluisse: "nullum aliud dari Evangelium (sc. verum) quam illud, quod Ipse Galatis ante aliquot annos suppeditaverat": parum aut nihil cogitantes, τοις ἐτεροις & τοις εὐαγγελίον invicem arcte jungi, & pronomine ὁ illuc relato, sensum maxime impeditum imo absconum plane emergere, quasi Pauli & pseudo-Apostolorum doctrina ejusdem indolis esset. Ἐτεροι enim εὐαγγελίον, prout ipse contextus docet, perversam illam Judaizantium doctrinam significat; unde sensus loci ita esset constituendus: "miror, quod tam cito declinastiis ab eo, qui vocavit vos ad gratiam per Christum oblatam, ad aliam i. e. falsam & perversam de Christo doctrinam, quae non est alia h. e. alias generis & indolis ac illa, quam vobis jamjam proposui"; quae quam male cohæreant, nemo non intelligit. Accurans igitur locum nostrum perpendiculariter videntur (*a*), qui, missa vulgari illa explicatione, τοις ὁ ad integrum sententiam v. 6. ab Apostolo propositam retulerunt, φάσιν hanc ita explicando: "quod (sc. τοις transferri ad aliam de Christo doctrinam) non est aliunde s. aliter fieri non potuit, nisi quod sint quidam &c." Frustra afferunt sententiæ hujus

(*a*) GROTIUS, LOCKE aliquae nonnulli.

hujus adversarii (β), eam & lingvæ genio & ipsi contextui repugnare; cum contra jure statui possit, nihil in hac explicatione esse, quod in lingvam aut contextum impingat, quin potius omnia cum iisdem apprime convenire. Namque pronomen relativum, quale est vocula ὅ, apud Scriptores Græcos non minus quam in aliis lingvis, sæpiissime ad integrum sententiam antecedentem referri, nemo inficias ibit; quo tamen respectu errasse certe existimandus est ΗΙΤΒΥ (γ). Ad αλλο vero quod attinet, commode heic explicari potest per αλλως, vel si mavis, αλλοθεν, quandoquidem adjectiva neutra, adverbiorum vices sæpiissime sustinent. Ei μη, quod per αλλα explicatum volunt interpretes plerique, vulgari suo sensu proprius ad lingvæ rationes accedere, affirmare non dubitamus, idque eo majori jure, quo certius sit, usum loquendi Græcorum, qui ad Latinos etjam transiit, postulare, ut post αλλο adverbio negativo junctum, se-
qua-

(β) Commentator Versionis Theot. Op. Angl. ita: LOCKENS erklärung ist wider die eigenschaft der sprache, der sie von Grotio entlehnet hat, wie Locken hierinnen Clericus, HOMBERG und andere nachgegangen sind.

(γ) Placet apponere ejus verba, qualia legenda exstant in Theot. Vers. Op. Angl.: diese worte können nicht bedeuten, "welches sonst keinem dinge zuzuschreiben ist" wie jemand meynt. Den vor dem fyrvorte ὅ geht nichts vorher worauf es sich beziehen könnte, als ἐτέρον, εναγγελιον.

queratur ei μη aut οὐ (δ). Præterea notio τοῦ εἰ μη, qua per ἀλλα explicatur, valde est dubia, & loca (ε), ad quae recipiunt se sententiæ hujus patroni, ejus sunt indolis, ut ex iis nihil in hac causa possit definiri: adeo ut consultum omnino sit vulgarem τοῦ εἰ μη, quam Patres etiam plerique retinuere, notionem præferre. Lingvæ igitur rationes non solum permittunt, verum etiam commendant Grotianam illam hujus loci explanationem; eandem quoque contextui optime convenire, quivis perspiciet; consilium enim Apostoli, ut ex ipsis verbis & orationis serie videre est, sine dubio fuit, Galatis indicare, causam perversi hujus eorum ab Ipsi doctrina deflexus, aliunde non esse arcessendam, quam ex Judaizantium in ritus Mosaicos servidissimo studio. His inducti argumentis, locum hunc omnem in latinum sermonem ita convertendum esse existimamus: "Miror, quod tam cito declinastis ab eo (Deo nimirum), qui vocavit vos ad gratiam per Christum oblatam, ad aliam de Christo doctrinam; quod tamen aliter fieri non potuit, nisi quod sint quidam, qui vos seducendo, Evangelium Christi pervertere volunt."

(δ) Exempla collegit VIGERUS de Idiotismis Lingvæ Gr. p. 144. seqq.

(ε) Matth. XII; 4, Luc. IV; 27, cfr. WOLFIUM in Cursus Philol.

Ἐτερον δὲ τῶν ἀποσόλων οὐκ εἶδον, εἰ μὴ λάκωβον τὸν ἀδελφὸν τῆς κυρίου.

Hierosolymis, cum Paulus, Petrum visitandi gratia, versaretur, nullum præterea Apostolorum nisi Jacobum τὸν ἀδελφὸν τῆς κυρίας se vidisse multo minus consuluisse, perhibet (v. 19.); quem vero hoc in loco respiciat, Jacobum minorem illum, domini Consobrinum, an alium propiori necessitudinis vinculo cum Servatore conjunctum, de eo quidem magnopere ambigunt interpres (α). Posteriorem qui amplexi sunt sententiam, nec ipsi de ratione necessitudinis inter se convenient, sed varias sibi fingunt hypotheses, quarum antiquissima est, Jacobum huncce, quem, propter insignem in Ecclesia Hierosolymitana auctoritatem, cognomine δικαιος fuisse ornatum, omnes concedunt, Josephi ex priori quadam conjuge filium fuisse; verum enimvero, Scriptoribus Saeris de tali conjugio planecentibus, immo contrarium diserte affirmantibus, ex Patrum quorundam Scriptis (β), opinio hæc-

(α) De Jacobo Zebedæi filio esse sermonen, sententia est, utpote temporum rationibus contraria, jam diu expœta.

(β) Est hæc ab ORIGENE (cujus sententiae suffragantur EPIPHANIUS & HILARIUS) derivata opinio, quam ex libris Apochryphis deductam esse, negare non sustinet ipse ORIGENES, qui ad Matth. XIII: 55. monet, tales narratio-

hæcce non satis commode adstruitur, in primis, cum ex antiquitate absint testimonia fide dignissima, Jacobum δικαιον ab illo Alphæi filio non suisse diversum (γ). Veritatis quidem speciem quandam præ se ferre videtur conjectura eorum, qui Josephum ex Maria, post natum Christum, liberos suscepisse ponunt (δ):

B 2

sed

nes in Evangelio juxta Petrum ex stare, HIERONYMUS ad Matth. XII: apertius idem confirmat: *Quidam, fratres Domini, de alia uxore Joseph, filios suspicantur, sequentes deliramenta Apochryphorum, & quandam Escham mulierculam confingentes.* Unde patet, jam HIERONYMI ævo explosam fuisse hanc conjecturam, inde sine dubio natam, quod fratres quosdam in Historia commemorarij viderent, nec attenderint, fratrum nomine consobrinos quoque salutari.

(γ) HIERONYMUS in Catal. Script. Ecclef. sic tradit: *Jacobus, qui appellatur frater Domini, cognomento Justus, ut nonnulli existimant, Joseph ex alia uxore, ut autem mibi videtur, Mariæ sororis matris Domini, cuius Johannes in libro suo (Cap. XIX. 25.) meminit, filius, post passionem Domini, ab Apostolis Hierosolymorum Episcopus ordinatus, unam tantum scripsit Epistolam, quæ de septem Catholicis est.* Cum quo contentit SOPHONIUS. --- ISIDORUS HISPAL. de vita & obitu Sanctorum (C. LXVIII.) ita habet: *Jacobus Alphæi, Episcopus Hierosolymorum primus, sororis matris Domini filius, unde & frater Domini vocatur.*

(δ) Cui sententiae favent HERDER, POTT cet. Certe argumentum eidem opponi solitum, e virginitate Mariæ aeterna defundit, infirmum atque debile admodum esse, quisque videt.

sed si vel maxime hoc daretur, quod ex Marc. III: 27.
 31-35. Joh. VII: 5. haud incommodè infertur, ex iis
 tamen quendam Jacobi nomine fuisse insignitum, non
 est nisi possibile, nec ulla probabilitate munitum. Ju-
 dæorum certe Matth. XIII: 56. allatum testimonium,
 quod tantopere urgent, nihil omnino faciendum,
 quandoquidem ex analogia Evangelistarum patet,
 Judæos eundem errasse errorem, ut sc. Consobrinos
 Christi pro fratribus ejus habuerint. Neque animo
 concipere facile possumus, fuisse Evangelistas in ge-
 nealogia Salvatoris pertexenda adeo negligentes, ut,
 si quis ex fratribus ejus tanta Hierosolymis gavisus
 fuisset auctoritate, ut presbyterium cura honore Apo-
 stolico ibi obtinuerit, mentionem illius plane præter-
 mitterent. --- Ab omni verisimilitudine abhorret sen-
 tentia THEOPHYLAETI, qua statuit, Josephum jure
Leviratus, ex Maria, Alphæi denati uxore, hos filios,
Jacobum, Judam, Simonem suscepisse. Quomodo e-
 nem hi ipsi tunc adeo expresse appellarentur Alphæi
 filii, Matth. X: 3. Marc. III: 18. Luc. VI: 15? --- Sed
 non est quod his conjecturis & hypothesisibus repeten-
 dis diutius immoremur. Satius erit, vulgatissimam
 fententiam, quia veritati videtur proxima, propone-
 re, Jacobum scilicet Apostolum, Alphæi filium, hoc
 loco esse intelligendum. Is enim, de quo heic queritur,
 diserte ad numerum *Apostolorum* refertur, ex quibus
 nonnisi duo fuere, Jacobi nomine insigniti, unus sc.
Zebedæi filius, alter Alphæi. Illum autem heic intel-
 ligi

ligi non posse, jam supra observavimus; *hic* igitur, sc. filius Alphæi intelligatur necesse est (s). Eundem vero, propter necessitudinem, quæ ipsi cum Salvatore erat (z), ex Hebræa consuetudine (y), *αδελφον κυριον* vocari patet, cum ex pluribus S. S. locis inter se collatis (l), tum ex testimonio antiquorum plerorumque interpretum, e quibus THEODORETUM præcipue

B 3

lau-

(s) Perspectum quidem nobis est, titulum *Apostoli* generius sacerdotis accipi. Heic autem sermonem Paulo esse de duodecim illis Apostolis primariis, *καὶ εξοχὴν* ita dicitis, tum ex ipso loci contextu patere videtur, tum ex collatione cum Cap. II: 9. ubi idem hic Jacobus, Petrus & Johannes, vocantur *οἱ δοκέντες σὺναι*, quo quidem honorisculo titulo alium quendam Jacobum, extra τῶν δώδεκα numerum, insigniri potuisse, parum credibile est.

(z) Natus quippe ille erat ex Maria, sorore matris Jesu & sponsa Clopæ (vid. Marc. XV: 40. coll. Joh. XIX: 25.) quem eundem esse cum Alphæo, indicio est ipsa nominis origo, cfr. LIGTFOOT. opp. Tom. II. p. 59. Quod autem Cel. POTT in Proleg. ad Epistolam Jacobi conjicit, Alphæum & Clopam homines fuisse diversos, duasque sorores habuisse in matrimonio, ex quo uterque Jacobum quendam progenuerit, merus esse videtur ingenii lusus.

(y) Solent quippe Hebræi cognatos quosvis nomine ΠΝ signifyare; qua etiam ex ratione Lothus filius fratri Abrahami, frater ejus vocatur Genes. XIII: 8. Eodem modo Laban, consobrinus Jacobi, frater ejus audit. Genes. XXIX. 15.

(l) Matth. XXVII: 56. Marc. VI: 3. Joh. XIX: 25, &c,

laudasse juvabit, qui ad locum huncce habet: ἀδελφος
τε κυριος επαλειτο μεν, ουκ η δε Φυση. ουτε μην, ως τινες
ὑπειλιφασι, τε ιωσηφ υιος επιγχανεν αυ, εκ προτερων γα-
μων γενομενος, αλλα τε κλωπα μεν η διος, τε δε κυριος
ανεψιος μιτερα γαρ ειχε την αδελφην της τε κυριος μη-
τερος (1).

Cap. II: v. 1.

ἐπειτα δια δεκατεσσάρων ἐτῶν πάλιν ἀνέβην εἰς λερού-
λυρα.

Ad locum, in quo illustrando optimi desudarunt
interpretes, pro nostro disserendi ordine jam accedi-
mus, non quidem eo consilio, quasi controversias e-
ruditorum dirimere, in nostra esset facultate; sed ut
sententiam, quae nobis maxime probabilis sit visa,
quia

(1) Testis quoque prodeat ex Seculo II:do CLEMENS ALEX-
ANDR., frustra a GROTIo in alienam sententiam allatus,
quandoquidem expressis verbis in libr. ὑποτυπωσεων ap.
EUSEBIUM Hist. Eccles. L. II. Jacobum nostrum & LXX. di-
scipulis distinguit & των δωδεκα numero habet: ιωωβω
τω δικαιω και ιωωνη και πετρω μετα την αναστασιν παρε-
δωκε την γνωστην ο κυριος. ουτοι τοις λοιποις αποσολοις πα-
ρεδωκαν. οι δε λοιποι αποσολοι τοις έβδομηκουτα. Ex Sec.
III. IV. cet. HIPPOLYTUS, HIERONYMUS, AUGUSTINUS,
ISIDORUS HISPAL., SOPHRONIUS, CHRYSOSTOMUS cet. i-
dem testantur. — Quod vero ad testimonia CYRILLI A-
LEX., HEGESIPPI cet. attinet, nihil aliud efficiunt, quam

* } 35 *

quia siccō plane pede hunc præterire locum non li-
cuit, pāncis indigēmus. Certitudinem vero, in dif-
ficillimā hac annos definiendi ratione, obtineri vix
posse, mirum videbitur nemini, qui defectus Chrono-
logiæ Sacræ adhærentes secum reputaverit. Hinc
nempe factū est, ut in computatione των δεκατεσ-
ταρχῶν ετῶν constituenda, incerti vagentur interpretes,
hæreantque, utrum a proximo Pauli ex Hierosolymis
descessu, an ab anno conversionis ejusdem (α),
sit arcesfenda (β). Priorem illam computandi ratio-
nem, et si suo sufficiat esse quodam fundamento haud
negandum; tamen ex voce επειτα, e cuius cum supe-
rioribus nexu hunc emanare sensum contendunt, eam
adferere, est q̄tiod tantisper ambigemus; etenim con-
textum si adeo preſſe ſequeremur, facilius & lingvæ
genio

Jacobum, fratrem Domini, i cognomine *Justi* appellatum
fuisse & martyrium ſubiſſe. ORIGENIS, EUSEBII, CLE-
MENT. CONSTIT., EPIPHANI & HILARI auctoritatem, ut-
pote vagam maximeque fluctuantem, enatam quippe ex
variis incertis narrationibus & conjecturis, non posse
Apostolicos Scriptores ipſos infirmare, dudum probarunt
MOLDENH. CALOVII, cet.

- (α) De tempore conversionis Pauli, multæ exſtant eruditio-
rum ſententiae; plerique tamen, Paulum anno Tiberii XXII.
ſacris Christianis initiatum fuiffe coſtituunt.
- (β) LUDOV. CAPELLUS tamen, nescio quibus inductus argu-
mentis, computationem hanc a morte Salvatoris institu-
endam esse doceſ Spicil. Hiſt. Apoſt. p. 55.

genio convenientius esse videretur, *de natu et origine eti ab Apostoli ex Syria & Cilicia discessu* (Cap. I: v. 21.) repeterem; quod tamen temporum rationes nullo modo permittunt. Neque cum Historia conciliari facile potest, Apostolum XIV. annorum intervallo non fuisse Hierosolymis (γ); cum Lucas in Actis (Cap. XI. 30.) mentionem faciat itineris, Hierosolymam versus, eleemosynas deferendi gratia, a Paulo suscep*ti* (δ), quod, ex communi interpretata calculo, inter duo, quorum in hac Epistola sit mentio, itinera sine dubio erit interserendum; quantum enim in re obscure affequi licet, videtur hoc ipso commate intelligi iter, cuius memoriam prodit auctor Historiae Apostolicae (Cap. XV:0) (ε). Alteram igitur computandi rationem, et si certis indubiusque argumentis non stabilitam,

(γ) Id nempe urgent sententiae hujus patroni; ita enim ROSENTHAL ad hunc locum: *Deinde interiectis fere XIV. annis i. e. quam XIV. annis non fuisset Hierosolymis, iterum illuc profectus sum.*

(δ) Illius itineris mentio, quandoquidem ad præsentem materiam nullum haberet momentum, h. i. prætermissa esse videtur.

(ε) Opinionem Cel. HOFFMANNI (in not. ad PRITZI introd. N. T. p. 259.) qua iter Hierosolymitanum Act. XVIII: 22. obvium, hoc loco intelligi suspicatur, utpote nullo idoneo rixam fundamento, improbare nos haud dubitamus.

tam præferre tamen non dubitamus (ζ); optimo ju-
re contendentes, eam nihil quod Historiæ repugnet
involvere, & præterea probabile admodum esse, Pau-
lum rerum suarum ac vitæ Historiam ex epocha con-
versionis suæ repetiisse (η).

v. 4. 5.

διὰ δὲ τοὺς παρεισάκτες ψευδαδέλφους, οἵτινες - - -
οἱς ὃνδε πρὸς ὡραν ἐιξαμεν τῇ ὑποταγῇ - -

Titum, Apostolo non refragante, διὰ τοὺς παρει-
άκτες ψευδαρέλθεις circumcisum fuisse, conjectura est,
recentiori in primis ævo multis probata (α), quæ ta-
men justum sub examen si revocetur, vix ultimam
sustinebit limam; etenim τοῦ οἰς οὐδε, e cuius lectionis
authentica & genuina indole omnis pendet hujus loci
controversia, e textu esse excludendum, auctoritate
Codicis Claromontani & Patrum quorundam, frustra
adseritur (β), in primis, cum Codices pure Græci, qui-
bus

C bus

(S) Audax nimis est conjectura GROTHI & CAPELLI, qua, contra omnium Codicum fidem & auctoritatem, pro δειναρεσσαρων, legendum esse: τεσσαρων, contendunt.

(n) Eandem computationem, quoad τρισικετην (Cap. I; 18.) præoptamus.

(α) Cfr. SEMLERUS, MILLIUS, VETSTENIUS &c.

(B) Parva aut nulla potius est auctoritas Cod. Clarom., quippe qui ex Latina interpolatus est versione, quam ite-

bus palmam omnes concedunt, vulgo receptam tueantur lectionem. Accedit, conjecturaq; allatam non tantum crisi repugnare saniori, verum etjam prudentiae, quam in omni re Christiana adhibuit Apostolus; si enim Titum hoc tempore circumcidere passus fuisset, servituti Legum Mosaicarum, quarum tamen vim infringere sollicitus semper erat, se utique submisisset. Alia certe ratio fuit Timothei, utpote ex matre Iudaea nati, e cujus circumcisione nihil detrimenti, quin potius lucrum capere debuit res Christiana (*y*); ita enim se semper gerere voluit Apostolus, *ινα τελαιρωσις μεριδησι* i Cor. IX: 20. Præterea consilium Hierosolymitanum (Act. XV.) decreverat, iugum Legum Mosaicarum, discipulorum cervicibus non esse imponendum, unde Paulum *τοις ψευδαδελφοις* heic cessisse, non est probabile. Nulla insuper ratione explicari posset, cur vehementer adeo Apostolus increpasset Petrum (v. 11-14) & Galatas (Cap. III. 1. V: 2.), si tam levem ac indulgentem *τοις παρεισαντοις ψευδαδελφοις* se exhibuisset. In particula de non

rum mirum in modum depravatam fuisse tempore HIERONYMI, indubia antiquitatis testimonia loquuntur. Ex eodem fonte nata quoque est lectio, quæ apud IRENÆUM & HILARIUM deprehenditur. TERTULLIANI testimonium quod attinet, sine dubio ex nimio contra MARCIONEM disputandi fervore originem duxit.

(*y*) Arroganter admodum BATTIERIUS pro Tito h. 1. substituere vult Timotheum.

non est hærendum, ut vulgariorem ejus significatum
heic retineas; saepe enim est *explanativa*, ea quæ ante
proposita fuerunt ulterius exponens, & per Lat.
scilicet explicanda; ex qua notione neglecta factum
etiam videtur, ut alii *ανακολθτον* quid in hoc loco te-
mere quæsierint, alii το: οἰς οὐδὲ inconsulte voluerint
expunctum (δ).

v. 20.

χριστὸς συνεσάυρωσαι.

Liberationem a Legum Mosaicarum imperio, si-
militudine non modo mortui cuiusvis, verum in pri-
mis Christi, pluribus in locis Apostolus sistit adum-
brandam. Cum vero similitudo ista nonnihil sit abs-
trusa & a more loquendi nostro aliena, in eam indu-
cti sunt multi opinionem, ut sub loquendi formulis:
χριστὸς συνεσάυρωσαι e. f. p. participationem mortis Christi
& sympatheticam quandam ejus communionem si-
gnificari judicarent. Quamquam vero non negemus,
naturam mortis Christi vicariæ id secum ferre, ut fi-
deles omnes ad salutiferam ejus imputationem duçat;
autamen, quin eam heic spectari putemus, analogia
stili Paulini quam maxime obstat. Tales enim *εγνωσις*,
qua-

(δ) Neque tamen το: δε ad *ανεβην* v. 2. referatur, ut non nulli (*Moldenb. Rosenm.*) præferunt; arte enim cum iis, quæ v. 3. dixerat Apostolus, cohæret.

qualis hoc loco occurrit, semper apud Paulum similitudinem quandam & comparationem involvunt (*a*), quomodo Apostolus ipse verba sua saepius explicat e. c. Rom. VI: 4. Συνεταφημεν - - - ίνα ὡσπερ ιησούς εκ νεκρῶν - - - ὄντω καὶ ἥμεις εὐ καινοτοτί λων περιπατοῦμεν, qui locus universus cum hoc nostro conferatur. Unde etiam patet, comparationis ideam optime exprimi hac circumlocutione: ὡσπερ Χριστός εζαυρώθη, ὄντω καὶ εγώ εζαυρώμαι από του νομού (i. q. νομῷ απεθανοῦ v. 19.) sensumque esse: "quemadmodum Christus cruci adfixus & morti traditus erat, ita quoque ego Legi Mosaicae mortuus sum" i. e. ab ea sum liberatus. Vindicias hujus explicationis præbebunt loca parallela Eph. II: 5. coll. Col. II: 13. II Tim. I: 8. II Cor. VII: 3. Hebr. XI: 25. Rom. VI. ad quem ultimum locum acute, ut solet, disputat KOPPE.

(*a*) Etsi ea præpositionis συν saepè est vis, ut causam adjuvicem, cuius ope aliquid factum sit, exprimat, quo pacto sensus locutionis: χριστῷ συνεταφωμένοι, efficit: "Christi beneficio, a Lege Mosaica sum liberatus"; ille tamen præpositionis istius valor & a constructione & a serie orationis h. l. abhorret.